



UNIVERSITÄTS-
BIBLIOTHEK
PADERBORN

Theologia|| Ivridica,|| Sev Ivs Civile Theologicvm,||

Fickler, Johann Baptist

Dilingæ, 1575

VD16 F 976

Sedem Apostolicam à Rom. Imperatoribus honorandam & obseruandam
esse.

[urn:nbn:de:hbz:466:1-63414](https://nbn-resolving.org/urn:nbn:de:hbz:466:1-63414)

gis Ecclesia diuifa secernitur, nullis insertis
maculis variatur. Scriptū est enim, quia cū
Rex iustus sederit supra sedem, non aduersa-
bitur ei quicquam malignum.

IUSTINIA. IMP. IN PRAEFAT. AVTH.
Quom. oport. Episc. & Cler. s. nos igitur.

Princeps maximam adhibere debet solici-
tudinem circa vera Dei dogmata, & sacer-
dotum honestatem.

Princeps curā
habeat do-
ctrinae fidei et
sacerdotum.

DE HONORAN- DA ET OBSERVANDA SEDE

*Apost. à Rom. Imp. & conseruandis
templis Catholicorum.*

IUSTINIAN. IMP. IN L. REDDENTES
C. de sum. trinit. & fide Cath. &c.

Reddentes honorem Apostolicae sedi, &
vestrae sanctitati (quod semper nobis in
voto fuit & est.) & vt decet Patrem honoran-
tes vestram beatitudinem, omnia quae ad Ec-
clesiarum statum pertinent, festinauimus ad
notitiam deferre vestrae sanctitatis: Quoniam
semper nobis fuit magnum studium vnitatem
vestrae Apostolicae sedis, & statum sanctarum
Dei Ecclesiarum custodire, qui haecenus ob-
tinet, & incommotē permanet, nulla inter-
cedente contrarietate. *Et paulò post.* Impera-
tor per omnia properare debet, vt crescat ho-
nor, & auctoritas Apostolicae sedis, &c.

Imperator
Papā honorat
vt patrē: au-
thoritatem se-
dis Apost. &
statum Ecclē-
siarum cōser-
uare debet.

ANASTA-

ANASTASIUS IMP IN L. SI QVI OR-
thodoxa. C. De heret. & Manich.

Principis cu-
ra templa Ca-
tholica serua-
ri debent.

PRincipem vndique ad hunc exitum prou-
dentia ducere debet, vt omnipotentis Dei
templa (in quibus nostræ fidei instituta perdu-
rant) cultu assiduo, per omnia secula redituua
seruentur, de quorum instauratione hæretici
nihil potuerunt aliquando cogitare, quas pe-
nitus esse nolebant.

Heretici ma-
gis de ruina
quam instau-
ratione Eccle-
siarum cogi-
tant.

IVSTINIAN. IMP. IN AVTH. VT
determ. sit num. cleric. &c. in fi.

Princeps Ec-
clesiarum &
animum parem
curam gerat.

NON minor sit cura Principi eorū quæ san-
ctissimis Ecclesiis profunt, quam ipsius a-
nimæ.

IDEM IVST. IN §. SI MINIMVS.
Auth. de non alien. aut permut. bon. Eccl.

Principē de-
cet liberali-
tas.

Quid causetur Imperator, ne meliora det
cui plurima dedit Deus habere, & mul-
torum Dominū esse, & facile dare, & maximè
in sanctissimis Ecclesiis, in quibus optima
mensura est donatarū eis rerum immunitas.

*Porrò quantum studij, diligentia atq; sollicitudi-
nis antiquiores Christiani reposuerint in condendis
exornandisq; Catholicis templis, & constituendis co-
rum redditibus. pius lector fusius intueri poterit in to-
to illo Iustiniani Authentico. Vt determin. sit num.
cleric, &c. coll. 1.*

FRIDERICVS II. LIB. II. FEVDOR.
tit. De statutis & consuetudinib. in princ.

AD decus & honorem imperij & laudem
Rom. Principis nihil omninò magis vide-
tur

tur accedere, quàm vt expurgatis quibusdam erroribus & iniquis quorundam statutis penitus destitutis, de cætero Ecclesia Dei plene quiete vrgeat, & secura gaudeat libertate. Sane adeò infidelium quorundam et iniustorum iniquitas abundauit, vt non dubitent contra Apostolicam disciplinam & sacros Canones statuta sua confingere contra Ecclesiasticas personas, & Ecclesia libertatem. Cùm ergò dispositione diuina fauente nihil velit Ecclesia, (quæ nihil debet nisi bonum appetere) quod nobis eodem cconursu, & eadem non placeat voluntate.

ROMANVM IMP.

DECERE VITAM SVAM AD
eas applicare leges quas iuste sanxerit.

IMP. ALEXANDER SEVERVS A. IN
l. ex imperfecto. C. de testam.

Licet lex imperij solemnibus iuris Imperatorem soluerit: nihil tamen tam proprium est imperij, quàm legibus viuere.

Princeps iuxta legem aliam latam viuere debet.

THEODOS. ET VALENTIN. IMPP.
in l. digna vox est. C. de legib. & const. princ.

Digna vox est maiestate regnantis, legibus alligatum se Principem profiteri: adeo de autoritate iuris nostra pendet autoritas, & reuera maius Imperio est, submittere legibus Principatum.

Imperio maius est Principem parere legibus.